



SLUŽBENE NOVINE BOSANSKO-PODRINJSKOG KANTONA GORAŽDE GORAŽDE

Godina XXII–Broj 8

10.jun/lipanj 2019.
GORAŽDE

Akontacija za II kvartal 2019.godine
uključujući i pretplatu za “Službene
novine BPK-a Goražde”– 40 KM

292

Ustavni sud Federacije Bosne i Hercegovine, odlučujući o zahtjevu jedne trećine poslanika u Skupštini Bosansko-podrinjskog kantona Goražde za utvrđivanje ustavnosti člana 21. Tarifni broj 1. stav 1. Zakona o komunalnim taksama Bosansko-podrinjskog kantona Goražde i člana 4. Tarifni broj 1. stav 1. Odluke o visini komunalnih taksa, na osnovu člana IV.C.3.10.(2) b) Ustava Federacije Bosne i Hercegovine, na sjednici Suda bez javne rasprave, održanoj dana 7.5.2019. godine, donio je:

P R E S U D U

1. Utvrđuje se da odredba člana 21. Tarifni broj 1. stav 1. Zakona o komunalnim taksama Bosansko-podrinjskog kantona Goražde („Službene novine Bosansko-podrinjskog kantona Goražde“, br.: 16/11, 15/14 i 05/17), nije u skladu sa Ustavom Federacije Bosne i Hercegovine.

2. Odbacuje se zahtjev za ocjenu ustavnosti odredbe člana 4. Tarifni broj 1. stav 1. Odluke o visini komunalnih taksa („Službene novine Opštine Goražde“, broj: 9/15), jer podnosilac zahtjeva nije ovlašten za podnošenje zahtjeva.
3. Presudu objaviti u „Službenim novinama Bosansko-podrinjskog kantona Goražde“ i „Službenim novinama Grada Goražde“.

O b r a z l o ž e n j e

1. Podnosilac zahtjeva i predmet zahtjeva

Jedna trećina poslanika u Skupštini Bosansko-podrinjskog kantona Goražde (u daljem tekstu: podnosilac zahtjeva) podnijeli su 18.05.2018. godine, Ustavnom sudu Federacije Bosne i Hercegovine (u daljem tekstu: Ustavni sud Federacije) zahtjev za utvrđivanje ustavnosti odredaba člana 21. Tarifni broj 1. stav 1. Zakona o komunalnim taksama Bos-

nsko-podrinjskog kantona Goražde (u daljem tekstu: Osporena odredba Zakona) i člana 4. Tarifni broj 1. stav 1. Odluke o visini komunalnih taksa Opštine Goražde (u daljem tekstu: Osporena odredba Odluke).

2. Bitni navodi zahtjeva

Podnosilac zahtjeva navodi da Osporena odredba Zakona i Osporena odredba Odluke nisu u skladu sa članom II.A.2.(1)c) Ustava Federacije Bosne i Hercegovine, kojim je propisano da sva lica na teritoriji Federacije Bosne i Hercegovine, uživaju pravo na jednakost pred zakonom, jer je visina komunalne takse na istaknutu firmu određena u bitno različitim iznosima na osnovu djelatnosti koja nije objektivni kriterij koji bi opravdao različito utvrđene iznose taksi. Mada je propisan i kriterij poslovne zone, to nije utjecalo da tarifa bude objektivna. Uvedena je formulacija natpis na „izuzetno atraktivan način, na izuzetno velikim površinama, na atraktivan način i na manjim površinama“ i sl. Unaprijed i paušalno se određuje koje su to djelatnosti koje imaju takve natpise bez uvida u stvarne natpise odnosno istaknute firme, te se tako igrom riječi pokušava izbjeći primjena ustavnog prava na jednakost pred zakonom i vrši se diskriminacija određenih djelatnosti.

Podnosilac zahtjeva smatra da komunalna taksa na istaknutu firmu mora biti jednaka za sve obaveznike bez obzira na vrstu djelatnosti kojom se firma bavi i bez obzira na veličinu obaveznika, odnosno na finansijsku sposobnost i profit koji subjekt ostvaruje. Visina može ovisiti o mjestu gdje se firma odnosno tabla ističe, o zonama grada i

veličini table, a nikako se ne može određivati na način kako je propisano. Time se prema navodima iz zahtjeva krše odredbe člana II.A.2.(1) c) i k) Ustava Federacije Bosne i Hercegovine.

Podnosilac zahtjeva predlaže da Ustavni sud Federacije na osnovu člana IV.C.3.(2) b) Ustava Federacije Bosne i Hercegovine, donese presudu kojom će izreći da Osporena odredba Zakona i Osporena odredba Odluke nisu u skladu sa Ustavom Federacije Bosne i Hercegovine.

3. Bitni navodi odgovora na zahtjev

U skladu sa članom 16. Zakona o postupku pred Ustavnim sudom Federacije Bosne i Hercegovine („Službene novine Federacije BiH“, broj: 6/95 i 37/03) Ustavni sud Federacije je aktom broj: U- 15/18 od 29.05.2018. godine, zatražio od Skupštine Bosansko-podrinjskog kantona Goražde, da dostavi odgovor na navode podnosioca zahtjeva. Također, Ustavni sud Federacije je aktom broj: U-15/18 od 21.09.2018. godine, zatražio od Gradskog vijeća Grada Goražde da dostavi odgovor na navode podnosioca zahtjeva.

Skupština Bosansko-podrinjskog kantona Goražde nije dostavila traženi odgovor.

Gradsko Vijeće Grada Goražde je podneskom broj: 01-05-2-3910 od 23.10. 2018. godine, dostavilo odgovor, u kojemu je navedeno da se u članu IV.C.3.(2) d) Ustava Federacije Bosne i Hercegovine, ne spominje jedna trećina poslanika u Skupštine kantona te da jedna trećina poslanika u Skupštini Bosansko-

podrinjskog kantona Goražde, nije ovlaštena da podnese zahtjev za ocjenu ustavnosti propisa Gradskog, odnosno Opštinskog vijeća.

4. Relevantno pravo

A) Ustav Federacije Bosne i Hercegovine

Član II.A.2.(1) c)

Federacija će osigurati primjenu najvišeg nivoa međunarodno priznatih prava i sloboda utvrđenih u dokumentima navedenim u Aneksu ovog ustava. Posebno:

- (1) Sva lica na teritoriji Federacije uživaju prava na:
 - c) jednakost pred zakonom.

Član IV.C.3 10.(2) b) i d)

Ustavni sud:

- a) Na zahtjev Premijera, kantona ili jedne trećine poslanika u zakonodavnom tijelu kantona, utvrdit će da li su ustav kantona i amandman na ustav, predloženi zakon ili zakon koga je usvojilo to zakonodavno tijelo, u skladu sa ovim ustavom;
- d) na zahtjev premijera, ili kantona, utvrđuje da li neki predloženi ili usvojeni propis koje je donijelo neko tijelo kantonalne, gradske ili opštinske vlasti u skladu sa ovim ustavom.

B) Zakon o pripadnosti javnih prihoda u Federaciji Bosne i Hercegovine („Službene novine Federacije BiH“, broj:22/06, 43/08, 22/09, 35/14 i 94/15)

Član 10. stav 1.

Kantonima pored udjela u raspodjeli prihoda iz člana 6. ovog Zakona, pripadaju i drugi javni prihodi, kako slijedi:

- c) naknade i takse u skladu sa kantonalnim propisima.

Član 13. stav 1. tačka c) i stav 4.

Pored udjela u raspodjeli prihoda iz člana 6. ovog Zakona, jedinicama lokalne samouprave pripadaju i drugi javni prihodi, kako slijedi:

- c) naknade i takse u skladu sa propisima jedinica lokalne samouprave.

Opštinska vijeća donose propise kojima se utvrđuje visina naknada po osnovi korištenja i uređenja zemljišta, kao i visina drugih naknada, novčanih kazni i taksa u njihovoj nadležnosti.

C) Zakon o principima lokalne samouprave u Federaciji Bosne i Hercegovine („Službene novine Federacije BiH“, br.: 49/06 i 51/09)

Član 13. stav 1. i 2. alineja 4.

Organ odlučivanja jedinice lokalne samouprave je opštinsko vijeće u opštini i gradsko vijeće u gradu (u daljem tekstu: vijeće).

Vijeće u okviru svojih nadležnosti:

- donosi propise o porezima, taksama, naknadama i doprinosima jedinice lokalne samouprave u skladu sa

zakonom.

D) Zakon o postupku pred Ustavnim sudom Federacije Bosne i Hercegovine

(„Službene novine Federacije BiH“, broj: 6/95 i 37/03)

Član 26. stav 1.

Ustavni sud na sjednici bez rasprave odlučuje o odbacivanju zahtjeva kad nije nadležan za odlučivanje o zahtjevu, kad podnosilac zahtjeva nije ovlašten za pokretanje postupka, kad zahtjev nije podnesen u zakonom predviđenom roku, kad je Ustavni sud o toj stvari već odlučio ili kad ne postoje druge procesne pretpostavke za odlučivanje o suštini stvari.

Član 41.

Od dana objavljivanja presude Ustavnog suda u "Službenim novinama Federacije BiH", kojom je utvrđeno da zakon ili drugi propis organa federalne, kantonalne ili opštinske vlasti, koji je stupio na snagu nije u skladu sa Ustavom, neće se primjenjivati ni propis donesen za njegovo provođenje.

E) Poslovník Ustavnog suda Federacije Bosne i Hercegovine

(„Službene novine Federacije BiH“, broj: 40/10 i 18/16)

Član 25.

Javna rasprava zakazuje se kada je potrebno neposredno raspraviti odnosno razjasniti pitanje značajno za donošenje odluke.

O potrebi održavanja javne rasprave odlučuje Sud.

Član 41. stav 1.

Rješenje o odbacivanju zahtjeva

Kad Sud na sjednici bez javne rasprave donosi rješenje o odbacivanju zahtjeva pridržavat će se razloga navedenih u članu 26. stav 1. Zakona i rješenje, zasnovati na samo jednom razlogu, ukoliko Sud ne odluči drugačije.

F) Zakon o komunalnim taksama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 16/11, 15/14 i 5/17)

Član 21. Tarifni broj 1. stav 1. (Osporene odredbe Zakona)

Tarifni broj 1.

„Za svaku istaknutu firmu, oznaku, obilježje ili natpis na poslovnim i drugim prostorijama, objektima i slično, kojim se označava da određeno pravno ili fizičko lice obavlja registrovanu djelatnost ili zanimanje zavisno od lokacije i načina isticanja, plaća se u opštinama sa područja Bosansko-podrinjskog kantona Goražde godišnja taksa kako slijedi:

I ZONA

I ZONA se određuje granicama I zone utvrđene opštinskim odlukama o određivanju gradskog građevinskog i ostalog zemljišta i zoniranju.

R. B.	Opis	IZNOS TAKSE	likim površinama, a to su pravna i fizička lica u ob- lasti pružanja tehničkih usluga – tehnički servisi, u advokatskoj djelatnos- ti, u notarskoj djelatnosti, u oblasti privatne zdrav- stvene zaštite i privatne apoteke	1.000,00 KM	
1.	Subjekti koji oznake, obi- lježja i natpise ističu na izuzetno atraktivan nač- in te na izuzetno velikim površinama, a to su pra- vna i fizička lica iz oblas- ti distribucije nafte i naft- nih derivata, oblasti tele- komunikacija, iz oblasti bankarstva, iz oblasti ig- ara na sreću (kasino, lut- rija, loto, tombola, bingo, sportska prognoza, spor- tska kladionica, itd.)	3.600,00 KM	5.	Subjekti koji oznake, obi- lježja i natpise ističu na manje atraktivan način i /ili na manjim površina- ma, a to su pravna i fizi- čka lica iz oblasti proizv- odnje bezalkoholnih pi- ća, oblasti proizvodnje električne energije u mini elektranama, oblasti ind- ustrijske proizvodnje ko- ja nije obuhvaćena drug- im tačkama, iz oblasti gr- ađevinske djelatnosti, iz oblasti međunarodnog transporta roba i usluga, iz oblasti ostalog prevoza robe i putnika, iz oblasti vanjske trgovine, u obla- sti zdravstvene zaštite ži- votinja	700,00 KM
2.	Subjekti koji oznake, obi- lježja i natpise ističu na atraktivan način i/ili na izuzetno velikim površi- nama, a to su pravna i fi- zička lica iz oblasti osig- uranja i reosiguranja (os- iguravajuća društva), iz oblasti proizvodnje i dis- tribucije električne ener- gije, tržni centri i hiper- marketi	2.400,00 KM	6.	Subjekti koji oznake, obi- lježja i natpise ističu na manje atraktivan način i na manjim površinama, a to su pravna i fizička lica iz oblasti trgovine koju obavlja pravno lice u po- slovnim jedinicama, dru- gim objektima, te iz obla- sti trgovine koja se obav- lja na ostalim prodajnim mjestima, oblasti ugosti- teljstva pansioni, barovi i restorani, oblasti ugostit-	
3.	Subjekti koji oznake, obi- lježja i natpise ističu na atraktivan način i na vel- ikim površinama, a to su pravna i fizička lica iz oblasti proizvodnje duh- ana i alkoholnih pića, iz oblasti poštanskih uslu- ga, iz oblasti mikrokredi- tnih organizacija i broke- rskih kuća, tržnice i pija- ce, u oblasti ugostiteljst- va – hoteli i moteli	1.200,00 KM			
4.	Subjekti koji oznake, obi- lježja i natpise ističu na atraktivan način i na ve-				

- | | | | |
|----|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------|--|
| | eljstva, aščinice, ćevabdžinice te objekti u kojima se toče alkoholna i bezalkoholna pića, knjigovodstvene usluge (birori i slično) | 400,00 KM | |
| 7. | Subjekti koji oznake, obilježja i natpise ne ističu na manjim površinama i na način koji nije atraktivan, a to su pravna i fizička lica iz oblasti ugostiteljstva – bosanske kafane i ostali objekti u kojima se ne toče alkoholna pića, samostalne zanatske radnje i iz ostalih nepomenutih oblasti | 120,00 KM | |

OSTALE ZONE

OSTALE ZONE su sve zone izuzev I zone utvrđene opštinskim odlukama o određivanju gradskog građevinskog i ostalog zemljišta i zoniranju

- | R. | O p i s | IZNOS
TAKSE | |
|-----------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------|-------------------------------------------------------------------------------------------------------------------------------------------------------------------------------------------------------------------------------------------|
| 1. | Subjekti koji oznake, obilježja i natpise ističu na izuzetno atraktivan način te na izuzetno velikim površinama, a to su pravna i fizička lica iz oblasti distribucije nafte i naftnih derivata, oblasti telekomunikacija, iz oblasti bankarstva, iz oblasti igara na sreću (kasino, lutrija, loto, tombola, bingo, sportska prognoza, sportska kladionica, itd.) | 3.000,00 KM | |
| 2. | Subjekti koji oznake, obilježja i natpise ističu na | | atraktivan način i/ili na izuzetno velikim površinama, a to su pravna i fizička lica iz oblasti osiguranja i reosiguranja (osiguravajuća društva), iz oblasti proizvodnje i distribucije električne energije, tržni centri i hipermarketi |
| | | | 2.000,00 KM |
| 3. | Subjekti koji oznake, obilježja i natpise ističu na atraktivan način na velikim površinama, a to su pravna i fizička lica iz oblasti proizvodnje duhana i alkoholnih pića, iz oblasti poštanskih usluga, iz oblasti mikrokreditnih organizacija i brokerskih kuća, tržnice i pijače, u oblasti ugostiteljstva – hotelii moteli | | 1.000,00 KM |
| 4. | Subjekti koji oznake, obilježja i natpise ističu na atraktivan način i na manjim površinama, a to su pravna i fizička lica u oblasti pružanja tehničkih usluga – tehnički servisi, u advokatskoj djelatnosti, u notarskoj djelatnosti, u oblasti privatne zdravstvene zaštite i privatne apoteke | | 800,00 KM |
| 5. | Subjekti koji oznake, obilježja i natpise ističu na manje atraktivan način i /ili na manjim površinama, a to su pravna i fizička lica iz oblasti proizvodnje bezalkoholnih pića, oblasti proizvodnje električne energije u mini | | |

- elektranama, oblasti industrijske proizvodnje koja nije obuhvaćena drugim tačkama, iz oblasti građevinske djelatnosti, iz oblasti međunarodnog transporta roba i usluga, iz oblasti ostalog prevoza robe i putnika, iz oblasti vanjske trgovine, u oblasti zdravstvene zaštite životinja
6. Subjekti koji oznake, obilježja i natpise ističu na manje atraktivan način i na manjim površinama, a to su pravna i fizička lica iz oblasti trgovine koju obavlja pravno lice u poslovnim jedinicama, drugim objektima, te i oblasti trgovine koja se obavlja na ostalim prodajnim mjestima, oblasti ugostiteljstva pansioni, barovi i restorani, oblasti ugostiteljstva, aščinice, ćevabdžinice te objekti u kojima se toče alkoholna i bezalkoholna pića, knjigovodstvene usluge (biroi i slično)
7. Subjekti koji oznake, obilježja i natpise ne ističu na manjim površinama i na način koji nije atraktivan, a to su pravna i fizička lica iz oblasti ugostiteljstva – bosanske kafane i ostali objekti u kojima se ne toče alkoholna pića, samostalne zanatske radnje i iz ostalih nepomenutih oblasti
- 700,00 KM
- 300,00 KM
- 100,00 KM.“

G) Zakon o izmjenama i dopunama Zakona o komunalnim taksama Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 5/17)

Član 2.

U poglavlju VI – Tarifa komunalni taksi u članu 21. Tarifni broj 1. iza stava (5) se dodaju stavovi (6) i (7), koji glase:

„Subjekti iz tačke 6. stava (1) ovog Tarifnog broja, a to su pravna i fizička lica iz oblasti trgovine koju obavlja pravno lice u poslovnim jedinicama, drugim objektima, te iz oblasti trgovine koja se obavlja na ostalim prodajnim mjestima, oblasti ugostiteljstva pansioni, barovi i restorani, oblasti ugostiteljstva, aščinice, ćevabdžinice, te objekti u kojima se toče alkoholna i bezalkoholna pića, knjigovodstvene usluge (biroi i slično), ukoliko oznake, obilježja i natpise ističu na površinama manjim od 3m² plaćaju 50% komunalne takse predviđene u tački 6. stav (1) ovog Tarifnog broja.“

Subjekti iz tačke 7. ovog Tarifnog broja, a to su pravna i fizička lica iz oblasti ugostiteljstva – bosanske kafane i ostali objekti u kojima se ne toče alkoholna pića, samostalne zanatske radnje i iz ostalih nepomenutih oblasti ukoliko oznake, obilježja i natpise ističu na površinama manjim od 3m² plaćaju 50% komunalne takse predviđene u tački 6. Stav (1) ovog Tarifnog broja.“

5. Sudska praksa Ustavnog suda Federacije

1. Presuda Ustavnog suda Federacije broj: U-55/13 od 01.04.2013. godine („Službene novine Federacije BiH“,

- broj: 31/14);
2. Presuda Ustavnog suda Federacije broj: U-26/16 od 22.03.2016. godine („Službene novine Federacije BiH“, broj: 38/17);
 3. Presuda Ustavnog suda Federacije broj: U- 62/17 od 14.3.2018. godine („Službene novine Federacije BiH“, broj: 36/18) i dr.

6. Činjenično stanje i stav Ustavnog suda Federacije

Ustavni sud Federacije je utvrdio da u konkretnom predmetu nema činjeničnih pitanja koja bi bilo potrebno neposredno razjasniti na javnoj raspravi, pa je u skladu sa članom 25. Poslovnika Ustavnog suda Federacije Bosne i Hercegovine, održao sjednicu bez javne rasprave, na kojoj je razmotrio navode iz zahtjeva, odgovora na zahtjev, relevantne ustavne i zakonske odredbe, te, u skladu sa u više navrata utvrđenom i objavljenom ustavnosudskom praksom, odlučio kao u izreci.

Skupština Bosansko-podrinjskog kantona Goražde je ovlaštena donositi propise o uvođenju naknada i taksa na svome području. Podnosilac zahtjeva je ovlašten da pokrene postupak pred Ustavnim sudom Federacije za utvrđivanje ustavnosti kantonalnog zakona. Zakon o komunalnim taksama Bosansko-podrinjskog kantona Goražde u dijelu koji se odnosi na utvrđivanje visine takse na istaknutu firmu ili natpis je već bio predmet ocjene ustavnosti i presudom ovog suda broj:U-55/13 od 1. aprila 2014.godine koja je objavljena u „Službenim novinama Federacije BiH“, broj: 31/14 je utvrđena neustavnost odredbe člana 21. Tarifni broj 1. stav 1. tog zakona, pri če-

mu je djelatnost obaveznika bila kriterij za propisivanje različitih visina takse. Ista odredba je zatim u dva navrata izmijenjena i to na način da je, osim ponovo uvedenog kriterija djelatnosti, propisan kumulativno i kriterij zone (prva i ostale), zatim kriterij o stepenu atraktivnosti natpisa i konačno površine (do 3m2 ili preko 3m2).

Analizirajući Osporenu odredbu Zakona, Ustavni sud Federacije je utvrdio da visina godišnje komunalne takse, za svaku istaknutu firmu, oznaku, obilježje ili natpis na poslovnim i drugim prostorijama, objektima i slično, kojim se označava da određeno pravno ili fizičko lice obavlja registrovanu djelatnost ili zanimanje, a isticanje natpisa ili firme je zakonska obaveza, i nadalje u pretežnom, najvećem dijelu zavisi od vrste djelatnosti što je već ocijenjeno kao neustavno, a ne od drugih objektiviziranih kriterija. Vrsta djelatnosti koju obavlja obaveznik ne može biti niti isključivi (kao što je bila u naprijed citiranoj presudi), a niti pretežni ili uopšte kriterij za utvrđivanje visine takse po ovom osnovu, što je, ponavljamo, utvrđeni ustavnosudski stav objavljen u brojnim presudama ovog suda. Naime, taj kriterij se suštinski bazira na pretpostavljenoj finansijskoj moći obaveznika i njegovom profitu, što je pak egzaktni podatak koji se kroz postupak oporezivanja utvrđuje za svakog obaveznika pojedinačno. Visina takse na postavljanje natpisa ili firme se, bazirano pretežno na ovom kriteriju djelatnosti, ali i dijelom na potpuno neodredivom i neobjektiviziranom kriteriju „ atraktivnosti“, u Osporenoj odredbi Zakona propisuje u bitno različitim iznosima, te se kao takva ne može prihvatiti, jer povređuje pravo na jednakost zagarantova-

no svim licima na teritoriji Federacije Bosne i Hercegovine.

Ustavni sud Federacije smatra da nije nužno da ponovo obrazlaže dugogodišnji, u više navrata utvrđeni i objavljeni stav relevantan i za rješavanje ovog predmeta, već upućuje zakonodavca na obrazloženja presuda koje su javno objavljene i time i dostupne, a odnose se na pitanje utvrđivanja kriterija za propisivanje visine taksi na firmu ili natpis. Samo dio bogate ustavnosudske prakse u ovom segmentu spomenut je u tački 6. ove presude.

U odnosu na dio zahtjeva koji se odnosi na ocjenu ustavnosti Osporene odredbe Odluke, Ustavni sud Federacije je utvrdio da podnosilac zahtjeva nije ovlašten da podnese zahtjev za ocjenu ustavnosti predloženog ili usvojenog propisa opštinske vlasti, te je u tački 2. Izreke presude u tom dijelu zahtjev odbacio. No, podsjećamo na posljedice neustavnosti utvrđene u tački 1. izreke presude i u odnosu na Osporenu odredbu Odluke, jer je zakonski osnov za njeno donošenje sadržan, između ostalog, u odredbi člana 3. Zakona o komunalnim taksama Bosansko-podrinjskog kantona Goražde, a stavovi iz ove presude su relevantni i u odnosu na zakonodavnu aktivnost lokalne samouprave u toj oblasti.

Ovu presudu Ustavni sud Federacije donio je jednoglasno u sastavu: Aleksandra Martinović, predsjednica Suda, Vesna Budimir, Mirjana Čučković, prof. dr. Edin Muminović i dr. sc. Kata Senjak, sudije Suda.

Broj:U-15/18
07.05.2019.godine
S a r a j e v o
Predsjednica
Ustavnog suda Federacije
Bosne i Hercegovine
Aleksandra Martinović,s.r.

.....

292

Ustavni sud Federacije Bosne i Hercegovine, odlučujući o zahtjevu jedne trećine zastupnika u Skupštini Bosansko-podrinjskog kantona Goražde za utvrđivanje ustavnosti članka 21. Tarifni broj 1. stavak 1. Zakona o komunalnim pristojbama Bosansko-podrinjskog kantona Goražde i članka 4. Tarifni broj 1. stavak 1. Odluke o visini komunalnih pristojbi, na temelju članka IV.C.3.10.(2) b) Ustava Federacije Bosne i Hercegovine, na sjednici Suda bez javne rasprave, održanoj dana 7.5.2019. godine, donio je:

P R E S U D U

1. Utvrđuje se da odredba članka 21. Tarifni broj 1. stavak 1. Zakona o komunalnim pristojbama Bosansko-podrinjskog kantona Goražde („Službene novine Bosansko-podrinjskog kantona Goražde“, broj:16/11, 15/14 i 05/17), nije sukladna sa Ustavom Federacije Bosne i Hercegovine.
2. Odbacuje se zahtjev za ocjenu ustavnosti odredbe članka 4. Tarifni broj 1. stavak 1. Odluke o visini komunalnih pristojbi („Službene novine Općine Goražde“, broj:9/15), jer podnositelj zahtjeva nije ovlašten za podnošenje zahtjeva.
3. Presudu objaviti u „Službenim novinama Bosansko-podrinjskog kantona Goražde“ i „Službenim novinama Grada Goražde“.

O b r a z l o ž e n j e

1. Podnositelj zahtjeva i predmet zahtjeva

Jedna trećina zastupnika u Skupštini Bosansko-podrinjskog kantona Go-